



稽留山人集目錄

第十七卷

敝帚集

詩八十三首

元日奉陪開府西園池亭有感 上元和張子振

上元後作 春日陪司空西園看海棠 哭亡兒曾

槐八首 葵 初夏方貽赴京枉道歷下索晤輒贈

夏日司空構幔亭於泉上晨起陪遊有感 伏前

三日陪司空公泉池泛舟 知舍弟將有廣陵之行

不得近耗 哀兄子曾梓 歷山官署雜咏三十四

首 夏日 鵲 壽左城外母胡母方太君 初秋

司空病疽感賦卽簡令兄六完太常 九月上旬臥

疾口占 光祿大夫司空大中丞袁公輓詩 十月
將復之燕中適顯亭北上過約偕行別九年矣相見
喜過望爲詩紀之 至燕山醉後漫咏 敬哉先生
七旬初度賦祝 贈王子靜 冬日喜逢宋荔裳先
生招飲寓園漫賦 沈繹堂太史招飲有賦時新有
侍讀之命 送周雪客還金陵省視櫟園先生次徐
方虎先生元韻 除夕

稽留山人集第十八卷

辛亥

詩八十三首

武水陳祚明肩倩氏著

元日奉陪開府西園池亭有感

春色先回岱岳東行園元日從元公芳林暝逐晴暉變翠
嶂光含霽雪融雲物始占今歲有河山舊表大風雄清池
密濺珍珠起躡履偏宜上客同

上元和張子振

燒燈又度上元時入幕虛令下士隨笑指酒星思北海偷
看火樹出西池衆中知己難多得客裏逢春易獨悲燭短
雲昏歌舞散不堪更讀詠懷詩

上元後作

忠信仍能諒辛勤未可辭短才惟任拙習苦竟忘疲不去
懸長鋏聊堪取尺椀運斤羞代斲多負郢人知

春日陪司空西園看海棠

春風棠樹近西池矜貴名花傾國姿
湫澼臨流無定影偏反出樹有高枝
聯裾御袂暄妍候接席傳觴燕喜私
封植千秋嘉樹在年年蔽芾綠陰垂

哭亡兒曾槐八首

赴告書何後傳聞事已真誰堪喪壯子
汝去從慈親貧賤衰門喬伶仃異國人
旅魂成不返雲散玉河濱

其二

身賤何須恥神傷曷可瘳學爲干祿誤
名豈讀書求窮鳥悲何酷潛龍德不猶
翻令頭白父老淚灑滄洲

其三

九月哀何恃成童遠義方青箱非手授
黃口得身強繼禰虛宗祏寧親斃遠鄉
平生如作夢三十亦爲殤

其四

汝來因省侍吾去反羈棲蓬轉游難逐
菌生物不齊年衰號老父晝哭慘生妻
縱不埋羸博魂來路已迷

其五

衰柳河橋路輕裝馬首隨一宵猶戀別再拜竟長辭見面
茲來得傷心永訣時誰能忍一慟舐犢更無期

其六

知抱幽憂疾難支坎壈辰與書猶誠子入夢已非人數罪
商乎有論才鯉也均無緣看合歛棺槨藉交親

其七

旅病猶依叔勞將藥餌扶何嘗輕遠道不謂送微軀囊裏
畱詩稿林間哭酒壚阿咸爲異物阮籍亦窮途

其八

從子堪爲嗣無兒幸有孫防衰師曠達制淚忍生存延祀

題孤主歸骸傍九原殘年幾日活那不割深恩

葵

爛熳春光發旅葵翠莖朱萼滿堦墀交枝濃淡誰分種出
葉高低各弄姿旭日凌晨知併向薰風長夏更頻吹巡檐
零落天涯客照眼驚心此一時

初夏方貽赴京枉道歷下索晤輒贈

相尋緣契闊枉道易風塵賓幕褰開見公堂晉接頻語畱
更僕晚身暱定交新何告非姝子將離媿故人

其二

侍御官元達家貧一腐懦弱軀移疾起瘦馬入朝趨節

重孤忠勉恩深再世俱昌言經術用不道曾生迂

其三

往者依棲憤高齋適寢興重來懸一榻兩地照孤燈魯酒
甘方設燕歌怨不勝好爲真御史獨傍大中丞

其四

所貪資厚幣不去負成言客意如趨市交情莫署門難同
方朔餓多受信陵恩却聘當時事逡巡不可論

夏日司空構幔亭於泉上晨起陪游有感

面水臨風似舞雩幔亭新構綠池隅平臺發檻施重甃積
礫歎泉起貫珠雨過涼雲依翠幙月明細浪濯冰壺司空

行樂蒼生後濠上從游載筆趨

伏前三日陪司空公泉池泛舟

鬱蒸鄰伏日人皆苦炎熱御絺汗浹背搖扇頰發頰臨流
滌煩襟池上地清絕靈瀆奮跳珠泌沸甘泉冽咎賢濠濮
想人境相澄澈倚檻聊可娛樂水情未愜濯足願褰裳凌
波阻深涉司空用幽意浩蕩俯寥泐利用資成器輕舠小
如葉乘興要同登謝陸竝時哲賤子長裾曳上客珠履躡
脫畧不冠幘蕭灑衣白袷坐舷攬稊敷凭几鮭菜設庭趨
有鳳毛一經韋相業視膳親和羹窺園停散帙刺開雙篙
滑泛去一葦捷石岸溯復迴墻隅旋已折虛明鏡裏行超

忽空中越中流安穩放短棹夷猶輟有多辨鯢鯉於物見
鱗鬣魚樂水相忘心知不能說風氣蘋末生人影藻間瞥
晚涼蘇肺肝炎威頓已滅園林行遊地仰盼肝目曉槐陰
蟬蛸蟾豈花舞蛺蝶風景似江南青村桑者啜玲瓏平臺
甃陰岑夏屋稅倒景各浮動返照倍明晰興至傳羽觴高
譚霏玉屑百壺遠庖送垂手崖際接飛梁跨東南欄楯森
榭臬玉童來翩躚仙樂奏更迭依微啓絳脣嘹亮歌白雪
傳聲鼓始搗遏雲笛欲裂曾波細如縠初月懸若玦淹留
未言歸重來歡不竭昌時崇元老於今信人傑青野寄保
釐蒼生漸康悅千城起痾瘵萬戶治疲瘵救荒發紅粟蠲

租下黃帖新墾催科緩宿逋赦免決劄子方陸贄繪圖如
鄭俠每爲百姓哭不忍結其舌九重恒動色十上疏剴切
生民水旱餘藉此得寧貼寬仁恤下吏清操執高節四知
金屢却一白緇不涅循良師直表貪墨改前轍治理貴清
靜化俗用和協尚德使風淳緩刑懲火烈囹圄欲空虛奸
宄皆讐懾公餘好文史典籍自披閱瑣窓焚香坐玉璣煮
茗啜政簡賓從閒交久恩禮洽趨陪池上酌蓮幕真忝竊
深源有餘潤白水同一潔會符王梁識三事方就列風雨
和四時陰陽待調燮夢卜圖丹青爰立庸傳說浩蕩濟大
川惟公作舟楫

知舍弟將有廣陵之行不得近耗

書來向我說南征記室將隨使節行聞道繡衣乘傳亟可知襍被束裝輕浮沈不見來飛札安穩何時報起程去住無憑消息少夢魂且莫向蕪城

哀兄子曾梓

哭子淚已枯何堪失猶子家門誠薄祐一歲再罹此我兄有室晚先嫂歸蒿里繼室云好合熊夢亦艱止先生旣早凋再震良可喜稟資固柔弱獨有性情美生年三五歲力始勝步履溫其寡言笑而頗知大體未生我遠遊不得一見爾伴來每傳述想像容顏是摩頂石麒麟家駒庶千里

如何復不祿歿折方毀齒我幸有三兒傷哉長者死三人損其一摧折使心痲二惠猶競爽小宗堪繼禰奈何一足夔誰忍無榔鯉兄年今五十憂患衰甚矣古來商瞿卜難測惟易理或者五丈夫振蟄方後起天道茫昧如於今裂肌裏矧夙嗟疾疹曷勝邁屯否西河古大賢喪明良有以封書無詞慰實恐致哀毀盈升椒聊蕃繞砌芝蘭紫百足蟲不僵所取多可恃種瓜一再摘抱蔓悲不已匪他此兄弟不遠伊具邇猶子與子均引分無我彼如結用情揣天親因義揆篤行徒飾名矯情漢儒鄙戾矣第五倫一夜虎十起梓乎吾有慟槐也不得似旅人數號咷行邁方靡靡

惟憂令人老素髮况被耳神短不勝哀頽齡能有幾餘生
若朝露去者同逝水達人尚忘情彭殤齊一視實恐傷我
生任運無不委持將語老兄莊老有曠旨任誕長逍遙聞
道於此始

歷山官署雜詠三十四首 有序

余來歷山意忽忽不自得觸感興詠始自境物復
寓意於草木先後成不一時竟於辛亥六月按部
就班遂不
差次云

泉池

爲深孰斯鑿有瀾浩已盈文石贅方廣一畝涵澄清遠源
溯王屋獨出無畱行性下德用潛力迅勢莫衡伏穿絕地

脉旁亂爭河聲畜極理必宣逆折氣不平
嗇然觸岱麓潛
彼發歷城全涌各異狀譎詭標殊名歎薄白石間濺沫圓
漚生起滅無定端旣毀旋復成鮫淚隨雨迸蚌彩射月呈
俯聽息萬慮滌汨晝夜鳴旣滙何洋洋觀瀾感人情一沼
狎近翫千里來遠程有本逝不息閱世興廢更當年鴈鴛
池勝賞梁園英詞賦幾人傳高臺亦已傾復此蔭華榭伐
鼓間吹笙在川孔父嘆却立涕縱橫

流水溝

涌泉旣激射浩蕩赴海心滙流溝水急環轉故宮陰陂陀
分地勢瀟汨趨寬深涖涖鋪練帶琤琤鳴玉琴翠荇隨波

舒儵魚歛浮沈渾澗激堆碕澎溟驟中潯何年樹綠楊萋
然蔭長林水樹一碧色悲風爲蕭森曩時館娃宮舄履交
華簪洗脂桃花赤流黛竹葉黔羅襪步凌波鳳吹湯和音
彼黍旣離離陳迹荒至今偶來適緩步長夏滌煩襟怡神
愜靜理感往興微吟故山武水源百派出崎嶇隱溪乖宿
願營道方滯淫

石井

歷下沸百泉異支同一水茲泉絕細小瓮井尺有咫泌漑
發沙眼晝夜歎不已活流赴近溝涓涓入中沚曠潦無涸
盈窺臨鑒清泚泚細礫散游絲旣墜忽復起化機無停運推
遷悟元始樂水符動性俯睇得靜理過顙任所激得坎聊
復止曾蔚柳條風哀吟何羈靡憇陰此抱膝高枕思洗耳

積石障

築宮咎面勢水地患傾側爲山鎮坎維恒止用良德採取
巉巖深奠置推輓力若堂萬以方作屏繩則直地靈壓危
岑鐵色插絕壁磊砢旁齧牙豁砑下黝黑百年怪物聚千
歲狐狸匿宮闕旣燔燒冥蒙長荆棘空中神語答月下人
形出寥寥開府署後苑闕有恤不若乃不逢訛言莫能惑
登窺教猱升仰盼窮颯翼柳陰外蔽芾榛塗下逼塞油雲
暗模糊悲風號日昃石老感興衰欲言還已默

土阜

歷下岱宗麓山盡開平原羣峰東南來騰躍萬馬奔騰騰
吐沃野凜凜發泉源迢迢直北走地勢高下分於焉建都
會萬戶人烟屯華鵠峰青蒼屹立爲其門管時哀大封胙
土啓東籓築宮嚮明治宅中定居尊面山乃負水後輕前
若軒將無雲棟仄或恐地軸翻爰命相陰陽人力補乾坤
爲高始一簣丕作畚鍤繁雖微九仞崇土阜亦蟬聯袁可
三十雉廣容方車轅梁王全盛時樓闕嚴重閭周廬此警
衛羽帳環兔園桃李下成蹊桑麻外有村山川氣迴薄日
月光吐吞宮館一燔喪淒涼不忍論莫禁樵牧走盡上令聲

狐兔蹲復隍城亦頽誰云不崩騫我來一遙矚髣髴遺跡
存傾缺屢中斷庫垤高乃墩勢亦似綿亘望之如塊垣灼
灼起青燐離離生白蘩東海行揚塵有時坼崑崙已已莫
哀啼杜宇萬古魂

石礎

齊城建大國魯殿表東海宗子壯維城帶礪誓千載築宮
何陰岑開基亦弘侈文礎繡蒼崖匠石盼嵬隳山根劃泉
破蘿洞割雲採五丁絕臙舉十牛迴首待度量鈞廣袤磨
礪發光彩方尋三分一崇乃尺有倍鱗而鏤龍螭頭角鬚
麟廡朱楹支構櫨切雲樹高塏四隅若平砥八柱屹如壘

分承鼇足巨各制鯨力駭晨朝鳴鼓鐘夕燕陳鼎鼎中涓
紫綬拂綵女羅袿靡載筆趨鄒枚却立長裾委當風一延
佇賦雪或佯搯兵聲廟市墟火烈宮觀燬已看栢梁燼無
復靈光歸魂來哭焦爛草長藏魄磊冰霜泐其骨焚炙枯
至髓高下互蹲伏傾欹空猥瑣骯髒用不施棄擲貞靡悔
白晝坐野狐元夜啼山鬼畱爲千秋感豈獨一姓改劫灰
人不識吾將問真宰

玲瓏石

物希始見珍時否乃藏用茲石匪奇質感往有餘恫維南
地靈秀玲瓏峯嵌空豁閉石鐘山陰宵飛來洞洞庭旣蒼

潤靈壁若磨礪北土見亦罕品藻隨折衷一峯狂客拜萬
態天子重卷然何山出輦致百夫送簪在故王宮庭除得
清供月出光景透雪滿穴罅封萋萋高梧覆颯颯修竹種
其旁有眠鹿其上或來鳳枚叟賦擅塲齊姜色殊衆徒倚
一捧觴臨觀或獻頌宮館已成灰繁華竟如夢屹立置墻
陰巒岼嶷不動塵埃暑雨洗皴裂嚴冰凍江間化猿鶴巖
際枯螺蚌物理多變遷人生苦倥偬秋來失職悲客裏窮
途慟在山谿壑邃出山瓦礫壅委棄誰當憐將爲隱者諷

西園

齊宮此何地今爲開府囿空廓繚垣衰平楚林泉富境邃

遠人烟勢廣見巖岫南峰儼相向高下若馳驟方池涌靈
源凜沸鱗波皺青疇旣陂陀樹木之蓓茂雜花春風香百
種融和候旅葵紅白間木槿朝夕秀綠楊何蕭瑟落日輕
烟覆行歌看月出躡屐宐雪後屋宇恨不幽喜無多結構
突兀孤亭立眺望目亦收迤北更莽蒼一水來奔湊瀾瀾
瀉急湍續續無昏晝緩步筇可支臨流耳一漱所嗟簿書
積鹿豕素性負十日不一窺適來成邂逅花開還自落春
去夏已又願言割五畝故里啓圭竇抱甿乍鋤瓜閒閒老
耕耨

東射堂

投閒亦周歷晚出東射堂曠望豁遠目憂來浩茫茫地維
故宮域軍府茲啓疆割取已十六規度廣以方館解稍崇
煥翬棟峙中央左右各空闊步趾遙相當西園旣樹藝迤
東平野荒後垣抵戟門南北勢較長榛塗頗弘敞百騎容
迴翔丹碧構兩楹文杏爲其梁平臺高築基爽塏踰尋常
其下坦且夷似掌鋪康莊十耦此離立百步及半強由來
躡柳會棲鵠侯始張桴弓送滿月激矢流星芒組練明似
雪日射金甲光雜采炫征袍被穢旗載揚極目低萬井嗟
峨眉山岡踴躍互起伏稠疊爭昂藏雖微林壑秀烟霧成
青蒼故山武水源縹緲白雲鄉若林萬峰矗春至草木香

麻屨歸去來孤劔天一方我何此畱滯日莫心惻傷

故宮址

悒然踐茲域搖心興緬歎尚親桐圭命延世茅土奠樹屏
填通都宅中啓宮觀泉源包蕩滸原野割壇曼景山面危
岑縣水崇修斥淪漣鴈鷺池聘貽靈光殿震雷七鬯驚乾
象綱紐斷宇燔餘積礫圃廢棲叢灌復此建高牙陰岑築
新館卽基謝廣袤庀材亦輪奐咎時闕寢深白石珉堦爛
繚垣雖纚屬春草生芳甸故社莽爲墟逝水滔已漫代謝
悲古今天步良多難

柳

春風三十樹垂柳碧絃絃不知何年植依依如漢南深遮
白日黑俯映長川藍興衰時代歷榮落風霜諳咎時發柔
條金殿來纓簪茂林方會蔚弱植生意含將爲十年計剪
插臨清潭爲薪惜老榦若在天可叅野火燒枯腹憔悴死
亦甘稀疎兒孫行凜冽驚歲寒及此布遠陰駘蕩風光酣
朱鳥星應七青陽眠始三絮雨雪花漫烟絲綠髮鬢攀條
感今古白首人何堪曷不傷長林誅茅營一庵國史休開
編默然禮瞿曇閉戶聽流水出門見晴嵐有時變新鶯亦
或攜雙柑寧隨高士隱難與流俗譚

槐

所至庭有槐布葉已蒙密其高僅尋丈春榮發韶律兔目
抽作穎鼠耳比爲櫛由來守宮用宜護王者室挺立訶不
祥魍魎過則叱咎年植幾樹蒼翠雜榛栗十圍稍生瘦百
歲憔悴畢况復魯殿荒白草莽蕭瑟斬刈同束薪爲材經
斧鎖蔽日陰不留叅天勢已失於今建公府始樹憐弱質
離離柯葉秀宛宛萌芽茁黃金遍地花碧玉方秋實風霜
慎爾身興廢感非一攀條仰白首坐蔭抱雙膝緬想嶄巖
幽百尺礙赤日偃息送長夏雲暗山聳翠冷淘飯纔罷興
至一援筆我何在此間鬱攸起愁疾

竹

高齋分幕府廣庭敞書屋前賢何翩翩於茲種叢竹此君
何可無其人良不俗柔條風井井瘦葉秋蔌蔌琅玕何必
肥翡翠依然綠去冬寒凜冽雪甚及牛日故竿日憔悴新
筍但拳曲蔓草膏澤榮孤根生意蹙尋丈亦有節尺榦空
其腹雖微干霄勢處衆得所獨葵藿競勢高蕭艾森一束
山鬼向此啼鳳凰爲之哭西溪林壑窅千畝修篁矗悵然
念管游曷不返初服釣魚不出澗汲水亦在谷林下日沈
冥何嫌食無肉

桃

春光發露桃灼灼復天天始植芳菲吐爭舒景色韶穠華

金谷滿霞氣赤城標日麗千花放風來萬點飄繞枝宜百
匝藉草惜明朝墻北畱孤樹伶俜剩短條半身攀折盡百
媚故妖嬈開落無人見臨風慘不驕我來偏徙倚撫樹一
魂銷獨背熙陽晚常憂霜雪凋蟠根隨朽蠹藜葉畏風颺
托地誠非所逢時不可要實須何歲結蹊謝不言招去矣
西湖楫長堤湧六橋一竿波瀾瀾雙鬢影蕭蕭日莫津梁
失緣源路正遙

杏

方春先百卉紅杏森已放似梅色爛熳競柳風悠颺種植
已成林行園乍爛望油雲方霽霽晴日亦駘蕩離離芳草
生瀾瀾清池上近攬有餘妍遙睇惟一狀尚想曲江游時
和惠風暢簪纓人所羨燕席有供帳題塔競揮毫賦詩聞
妙倡於今士挾冊陳迹空想像花時聊步屨老我一扶杖
枝枝與葉葉宛宛交相向布席此一坐得酒可相償頗思
設臯比爲壇面空曠大樹蔭扶疎諸生來揖讓羞稱管晏
卑多言堯舜尚已已世莫宗悠悠文將喪春田菖葉白西
疇猶可餉

梨

江南二三月萬里芳菲節春草綠如茵柳條可攬結鳴鳩
初拂羽黃鳥方弄舌桃花映水紅梨花白勝雪蕭條大河

北地氣異寒熱百卉開校遲春風吹未徹及此看梨花數
樹清可悅細蘂綻綠苞圓花剪素纈絲絲各低垂朶朶故
聯綴籠烟何輕盈映日倍皎潔淡淡傾國姿天然色殊絕
肌膚自綽約脂粉無施設我何染風塵素衣久已涅富貴
徒巍巍得志非所屑升斗向人乞莫言執高節曳裾陪公
燕花下長磬折清聖不可師齷齪媿前哲何時張公谷山
靜泉清冽蕭蔘種成行萬樹開一切芳蕤各在目嘉實供
採擷蒼翠園日涉風雨門方閉一往烟霞深遂與世人別

海棠

卉木各有榮棠花美無度穠纖態交宜萼疎紅紫具間葉

丰姿媚含苞神采聚茜潤鮮故妍脂薄淡成趣盈盈欲低
垂灼灼盡去聲呈露絲端吐蟬聯樹杪揚修嫵好風乍搖輕

翻動偏其屢攬心若有觸所思於此遇傾城宛獨立入宮
虞見妬矜貴容必修徘徊影自顧所嗟芳非歇及此殘春
去行園日十巡繞樹百其步茲惟開府囿咎者梁園處後
植已繁華朝來正和煦司空亦乘暇傳呼珠履赴雜座觴
同持詠歌日西莫民物必所愛聰聽化諍訴保釐數時賢
分陝古殆庶花陰今蔽芾來者宜固護終焉崇令名封植
此嘉樹

丁香

自我游燕山惆悵風光晚首夏春已殘百卉開上苑就中
下香樹所至花曼衍此種南土稀得見良照眼細瑣藥千
個酷烈香九畹差移鈿粟綴歷亂珠簾展動搖月彩空歆
側露華泫數見白猶鮮競開紫無限及此閱三春秀發惟
一本叢生短短榮花吐離離善玲瓏依砌碎馨香出垣遠
客游經幾歲初服殊未返尋常時物換甲子泥塗溷留連
何愛戀羈馱違行遜吾土萬卉木森列青山獻此花誰比
數縱少非妙選爲爾娛心目三嗅聊息偃去鄉令人老感
物神已損藥苗倘可種五畝終自墾穠華滿松徑葱蒨被
蘭坂何花不有香在葉堪摘卷今茲爾亦珍戒之慎勿剪

木槿

木槿何足珍鬱葱亦高樹蒙密葉已蒼爛燉花無數似錦
炫芳蕤如杯攢萼跗澹瀨照初日菁華隱紅霧芙蓉茲可
擬罌粟無乃妒競開喜春晴稍落愁日莫傾城有女顏轉
盼俄非故大化易推遷人生若朝露富貴盛繁華誰能獨
不去安得千丈繩繫此飛光駐年隨風塵盡身非金石固
在旅況不歸卽歸亦如寓休誇涌泉文何有凌雲賦聲名
付來者賢愚一丘墓感此發哀吟彼蒼不可訴且當摘一
花觴詠適吾趣倒影杯中紅忘情頭上素

牡丹

洛陽管全盛金谷鬪芳菲名花出姚魏異種遍京畿
覓一栽珍貴開園扉公燕萃輪轅朋從曳牙緋蔭以紫絲
幃標用織成徽作賦有彩筆行觴多玉妃宮饌牙盤送香
醪金竿揮簫鼓厭喧聒清歌起微微花影大如斗映此華
燭輝日出已張筵月落醉不歸且矜千朶豔莫教一片飛
開落錦繡叢歲歲爭春暉寂寥公府園根淺藥故稀其高
僅盈尺瘦葉慘不肥冬雪任摧傷春露復易晞欲放忽先
萎未秋嗟具腓木槿太繁縟苦蓼大一圍雖有傾國姿托
根無乃非培溉良已闕賞識不可幾披草惜佳種太息沾
我衣

芍藥

燕山四月初杖藜出西郭家家十畝園熠熠翻紅藥百行
爲一畦一行九十萼花葉各相當紅紫互相錯香霧凝霏
霏初日照灼灼小籬分衆戶連町亘長薄巡游必周歷眩
目屢貽聘徙倚詩旋成飲翫酒頻釀天晴呼朋出身不受
束縛迢迢青齊路冉冉開府幕沈沈瑣署閉宛宛獨處廓
散步卽西園吟眺此朱閣庭砌誰所栽三五星落落離離
徑寸莖細瘦土膏削蓓蕾忽復萎不得見開落微風枝搖
搖白日葉莫莫低徊欄際凭感觸階上踏風塵等作客不
若長安樂曩歲攜惠連同游宛如昨瓊樹天末顏春草夢

中作曷不拂衣去策馬之京洛幣聘誘我甘千金古人却
將行然復疑頻首睨空橐且少任爲佳良厚意不薄金閨
諸故人首春刻密約計程不十舍嗜利負一諾紫陌看花
時道我一笑噓是夫食言肥肉重足力弱若見面爲頰伊
其競相諠

玫瑰

何花不有香茲種倍淫豔醞釀骨已透酷烈鼻方厭麝臍
異臭含龍腦衆芳斂裏裏藏益珍歲月恒不變採擷及時
須持嗅同所善爛熳盈頃筐駢闐市春店方開旋已摘無
多枝上見日華朝光浮霞采夕照挾一紫鄒君好奪朱尾

父念遠風招馥馥微露滋湫湫比玉錫嘉名温其故無玷
閉庭得數樹枝葉良曼衍百朶儼攢羅競發華爛爛點綴
紅亭麗酌以醇酒醞孤根幸培植春風乃多占願克君子
佩嘉德馨可薦雖微蘭蕙幽服御庶無忝秉性無改移信
芳久始驗

葵

種花宜種葵歲歲得蕃殖不愁秋霜厲多謝春風力旅生
易滋長陳根竟逼塞割據越阡陌挺出或孤特墻陰始青
青霽下亦蕤蕤紛披巨葉翻屹立修竿直著花動盈百雜
種非一色竊紅白成碧殷紫紺如墨合沓無高下交加互

扶翼先華已作實後藥綻其側自春洎徂夏續發浩不極
傾陽有本性惆悵日車仄在旅失止居甚衰冀休息安得
十畝園以身置鄉國蔚葱盡種汝抱影花間匿嬾喜根不
鋤饕宜葉可食露中慎勿摘八月烹亦得匪兇方率野日
歸歸未克寸心迷所向日莫淚霑臆踪跡傍他人東西與
南北

玉簪

以藥得花名象形誰所目截肪玉無瑕約髮簪如琢紛披
碧葉鉅挺出翠莖蠹斜插秀削成旁吐菁英足長身態有
餘圓首香初蓄重露洗娟潔微風散清馥採掇寘妝臺并
珈亂真玉絕代有佳人幽居在空谷三春怨此別不嫁甘
熒獨螭首化飛蓬子髮方曲局愁思一凝睇把翫茲在握
靈虵虛縮結卷蠹無膏沐脂顏故相映黛眉爲之感我來
見花泣卽感申所觸頭白不勝簪寸心如槁木

荷

爲沼卽豬水陳根乃生荷發舒數點葉動搖一尺波稍日
翠蓋張微風舞婆娑亭亭三五莖終然無一花霏微亦有
香縈歛爲爾歌西湖五六月綺麗盛紛葩十里互綿亘百
頃自攢羅幡敷錯如繡絢爛吐若霞陰陰相覆蓋一一各
交加掩映水似無蒙密花半遮浦遠碧無際風翻紅更多

樓船此臨泛晴日天氣佳彌楫放中流四面香奈何湖心
紅亭下孤嶼白石涯水面安長筵花間坐青娥艇子來採
蓮蕩槳如擲梭葉動不見人棹響舟已過芬芳襲衣襟日
莫朱顏酡淹留或連旬寢食不在他好景游無時衰年鬢
已皤嗅葉聞馨香呻吟發長哦願將上客裾易以漁者蓑

秋蘭

北方無春蘭秋蘭幸可賞齊芳有殊性遷地茲亦長樹藝
壅泥沙叢羅畜益益帶曳苻絲直劔排蒲葉廣風高日燥
烈地濶塵浩蕩涉春猶凄其未秋先肅爽顛頓生理微苟
活多悒快南薰被萬物亭毒一氣養三五芽初萌朝夕莖
稍上翠葉不終含紫心漸開敞左右分面背下上隨頰仰
偏其態有餘馥若香可想克庭鼻交悅隔戶氣徐往摘花
或插鬢攀條亦在掌物有敢言珍生培在所獎裒哉首春
花空谷阻幽塊嶮嶮層峰陰澗澗泉響密葉翻紛敷芳
蕤吐蒼莽在山榮有時踰淮性莫彊豈無貞烈志流俗溷
搶攘趨風爲佞人攫金同市駟終然謝詭遇吾駕不可枉
處涅幸未淄觀過必于黨寄語山中人寸心豈霄壤

茉莉

是花含芳蕤尚素維一白朱夏榮有時炎方性所適以潔
麗獨殊沃若有光澤酷烈盛馨香百卉皆辟易採之真裒

裏斂取陳几席華首珠璫耀薰髮蘭膏借捲簾動紈扇坐
簞御絺綌鬱蒸散煩懣馥郁生悅懌盤堆雪如藕瓊泛玉
爲液吐氣何信芳四座各克斤嘗聞閩嶺南樹藝徧阡陌
百株插成藩萬花開向夕離迷照眼色月出相激射盈頭
未屑簪滿把不勝摘輦載越故鄉憔悴如遷客托根寄一
盆擢本疆三尺作藥雖稠疊敷芳故狼藉漸看萼跗小不
覺形容瘠橘頌謝不遷蘭操同一惜努力受冰霜枯槁將
棄擲

菊

茲宇始來宅氣肅時物佳秋菊秀滿目黃紫紛庭階尋芳

蘿冒衣披草露濕鞵懿哉蒔植力前賢信我儕宛如東籬
下斜傍楚水涯霜華節可矜晚香性所諧落英一俯掇慰
此幽人裏匪無玉缸種一一錦障排榛塗喜森發寂寞鄰
枯芟延佇月出雲傾瀉酒如淮憂能去胸臆醉不知形骸
吾生雖在旅歲必覓十栽持餉秋客家擔鬻花市街陶然
爲屢醉死便傍爾埋未知畱幾旬此宇非我齋且當計秋
節樹藝及時催呼童剖柔荑新翠得土皆抱甕灌白水植
援樊青柴穎秀未可期榮茂朝必窺花發倘有時於焉把
一杯世已溷泥滓人今數優俳取悅競爲容真素庶不回
采采黃金花孤芳惟爾偕心賞結獨知羣玩意已乖吾家

近天目何處青山崕歸歟種滿林長嘯謝時才

蓼

茲郡饒泉源疏瀹卽池沼浸淫土花濕孕畜川氣晶靈瀆
所歎薄地底波浩淼以茲成澤國平野亦陰湫豈必沮洳
曲所在生水蓼發萌擢階隙吐葉被砌表一莖俄挺出數
枝共繚紹離披紫花疎攢綴紅粟小微泫露垂垂斜吹風
嫋嫋江南千里流奔赴萬山竅嵐幽溪影黛波濶湖光縹
蔽芾發中坻天水相與杳跳擲藏巨魚喙嗷萃鷗鳥漁舟
雙槳沿釣叟一竿掉蒙密朝日黑淡蕩落日曉彌望帶蒲
荷叢扶隱蘆篠於焉足可濯長往首一矯冥鴻翔寥廓獨
鶴去縹緲舉世徒汶汶一身自皦皦此中不知漢無意出
救趙而我不得歸營道何擾擾廣庭見翠茜散步愁凝眺
衣食尚所闕嫁娶曷日了如彼花間蟲天地生理藐習苦
長避甘歲月空悄悄

月季

草木各有候榮采及時發紛紛盛芳蕤轉瞬菁華歇彼穠
三尺叢生理孕蓬勃含葩併是春作藥常應月玉砌種左
右瑣窻映葱蔚離離各爭放續續無斲闕色香非殊珍品
題未超越薔薇恥雷同玫瑰傲秘醇何期春華姿亦有歲
寒骨雪中一花秀地凍孤根活萬物皆自私乘時在倉猝

菀枯視其力靡麗有終卒形以役乃疲神以用斯竭嗟爾
豈永年顛顛亡也忽吾生亦有涯蕭颯垂素髮競此分寸
陰晝夜長竭斃尺椀日取半枯樹兩斧伐冥搜弄筆墨下
意事干謁面瘠血不華中乾精已憊柱下聃史言靈樞岐
伯曰是理吾故知所遇苦相拂老偏以筋骨饑難採薇蕨
夏畦塗足憊日莫倒行悖如彼爛熳花持色售人悅蟠桃
六千年花開實可齧壽命雖久長誰歟種其核

長春

四序變萬物易去惟青春始寒末甲拆稍暝柯葉新葩敷
及爛熳陽和恣芳辰翩然一片落撲地萬點勻綠樹暗無

色寂寞羞向人繁華忽道盡終歲惟浹旬是花名長春然
疑理非真猥瑣徑寸莖長亦尺許身宗生沙礫間左右羅
荆榛黃花金錢小一藥開向晨菀菀萌不已續續常相因
先萼猶灼爍後秀爭斑璘蟬聯自成行一本兄弟親并并
依砌下離離出葉顛具體叢菊微侔色蒸栗均春風上已
初向榮已欣欣驕陽曝不焦洗濯甚雨頻瓊細擢英蕤爛
然若星陳霜降未殺止屈指時月填階前照老眼曉露繞
十巡薄植無凋榮賦質乃在天而我抱冰霜寒谷春不臻
生理顛顛畢感之涕盈巾

金雀

長條發青叢臨風自猗儺黃花如碎金的
嚙開萬朵鞞枝故輕颺間葉實細瑣形如翾
飛雀宛宛空中墮味啄首方低翼張尾仍妥
屢舞枝不遷將翔去未果佳人寶釵翹公
子金衣裏洋洋意自得雲將躍向我珉階繞
欄步疏窻掩簾坐永晝送白日初昏流大火
刀筆自書削案牘正堆塚鞅掌甚矣憊散誕
由來頗自苦何乃爾言歸豈不可投羅翻先
鍛求食頤偏朶沈沈公府深窈窈重關鎖野
性終難馴素願久已左成羣山鵲歸向夕蜚
鳴夥仰睇俛自悲看花淚盈把虛持萼跗比
惜爾羽毛假芳華有衰歇開落任推播不才
見採錄微生實坎壈感君稻梁惠一粒腹已
果

巾箱飼黃花明德良媿荷何有報恩環一心矢無惰

金鳳

鳳鳥應昌期攬輝高不下微卉詎足珍榮名得相借森然
擢樊圃蔚爾繞茅舍質庸植易蕃實茂隨所稼繚纏再三
入紅白尋常化作藥何縣聯紛葩歷長夏並旁去聲蒂冠臆
儼舒萼羽翮亞搖風欲翱翔零雨自開謝慚非五色文莫
以九苞詫詰曲傷捷足迷陽窘長駕爰集見去聲非時于飛

至亦乍虞階鳴球初岐陽繫象罷遙遙思美人漫漫怨長
夜竟隨鷄鶩食實恐鳶鷂嚇何地饒梧竹故園有桑柘飄
飄歸靡止忙忙走不暇楚諫思一追秦吹失雙跨誰彈求

鳳操已寡終不嫁側足衆鳥中托根百草罅見去聲愁腰鎌
刈似畏引弓射人情輕易得春色費狼藉取形宜愛惜卽
感生悲咤幸分寸土膏傷君曲臺榭灌溉豈敢希生殖庶
寬假老去德益衰憂來淚如瀉

鷄冠

春花固芳菲秋容尤綺靡雖無鴈來紅獨有鷄冠紫竦身
自挺立昂首各爭峙濼濼朱可奪曄曄芝相似頰霞卷回
風渥丹吐肌裏攢羅大如梓密綴細若米宜承玉露寒不
畏金商起喧喧陳王道祝祝尸鄉里五德擅其一取肖良
有以動搖得微風想像鳴不已九秋何悠悠日莫聊徙備

已後百卉凋誰憐衆芳死由來愛晚節介特良可喜萎黃
零落中娛目惟在此何時樊老圃蕪穢自鋤理高下爲一
林葱茜皆種爾窓間宿白雲砌下瀉流水一編常在手萬
事不到耳目擊不須譚默然喻微旨四十九年非茫茫竟
誰是依人長在旅畱滯非定止恐復事晨征戒旦治行李

夏日

夏日炎蒸百感集汗流當午葛衣濕雨砌初乾綠蠹跳風
簾暫啓蒼蠅入案上簿書堆二尺鼎中藥物烹五石那不
西溪把一竿閒閒坐蔭垂楊碧

鵲

天明相叫噪羣鵲來送喜翺然當檐落盱其披帷視黑白
腹背分踔躍雌雄似爰集方斂翼却顧忽復起踏枝風屢
搖翠尾翹不已翻迴跳雙距俯啄低長背傳聲欲何報吾
老方在否客裏一身獨天末長子死兄弟不相見迢迢各
千里一南一在北夢往迷所指歿者骨不藏存者食無米
貧賤人交輕文采世所鄙躑躅送永日衰孱成莫齒入室
鵬欲來繞樹烏靡止而何向我鳴將對臆是以推遷任陰
陽禍福互伏倚坦坦惟幽人戚戚非君子在困長得亨利
貞固無悔勞謙吉有終無寵辱不邇茲理自詎度否否亦
唯唯安常貴任運慎終惟其始謀事務盡忠仗義不失己

謹儀詩誦懿考祥易視履敬之命在天不貳修身俟無云
誤冶長有覺在聰耳

壽左城外母胡母方太君

才子高吟壽母篇一經口授倚三遷貧家自咎勞堪習遠
宦何當去不還庭下乘龍鱗甲起梓中躍鯉腹腴鮮茲辰
宜貫花爲酒百歲無嗟海是田

時爲七月七日

初秋司空病疽感賦卽簡令兄六完太常

許國司空盡瘁身傷看垂涕爲憂民祇愁束濕刑書急見
苦逃荒版籍貧老去豈堪疽發背春來未遣酒霜脣幕中
下客空多感作賦難回起色新

九月上旬卧疾口占

眩瞶妨眠食形神太劇勞
黃花堪嗅藥綠酒負持螯
寢疾嗟賢主求醫共我曹
藥囊取次檢刀筆更誰操

光祿大夫司空大中丞袁公輓詩

五夜台星坼三齊岱嶽頽
看扶藜杖泣幾覲衮衣來
似水懷清節臨川欲濟才
鞠躬真盡瘁含淚赴泉臺

其二

勞止初休息堪憐大小東
去山知畏虎集澤尚哀鴻
征斂民砮恤封章帝座通
繪圖濡血淚痰疾爲孤忠

其三

水旱饑寒數椎埋盜賊繁
牛毛兼煨煉雀角慎平反
日昃黃梁吐宵深丹筆援
端憂成癘疾欹枕念黎元

其四

旂常孚簡在節鉞欲量移
罷市方州哭攀轅制府詞
斲齒終撫我長往竟安之不弔
疑天道空能結主知

其五

經術元尊宿昌言起夕郎
玉衡斟北斗銅柱壓南荒
命傳庸何及封齊政不長
早知朞月可獨使九重傷

其六

褐衣人謫陋蓮幕從森嚴
置腹諏謀用卑躬禮數謙
笳吟

清濟曲益轉亂峯尖恩重心空赤衣寒淚併霑

十月將復之燕中適顥亭北上過約偕行別九年矣

相見喜過望爲詩紀之

咎我先子歸無食復北走我出子顧旋淮陰一攜手日斜
上子舟命燭把卮酒取醉易爲別吁嗟立良久分襟二鼓
盡振舵五更首我北子以南稍別猶謂偶棲棲迷轍迹閒
閒戀畎畝見面無緣再紀年忽已九我今白髭髯龍鍾成
老叟客游歷下亭忙忙喪家狗無祿主人死雲散謝賓友
我雖念故鄉囊空一無有室人方啼饑徧謫不可受仍將
詣燕山逡巡發已後未行僕先痛投止交孰厚子今始除

官赴闕驅四牡枉道來相存問能俱行否多子好我甘旣
愛不謂醜生平知己僅形影願相守我咎棄子逝念之良
媿負今爲驂從鞞不異魚麗鬻爲我脂車轄卽復給梁糗
入都卽次安登座居客右相視故莫逆重逢樂不朽我久
習矜莊揖讓庶無咎號呶旣醉狂戒之閉其口見子亦塞
默三爵何善誘諧謔嘗我舌窘迫牽我肘旁觀競揶揄以
日子所嗾毋教猱升木投李將報玖稍時言滑稽卽漸飲
一斗眼前華不注屹立惟培塿馬逸或三周追及乃逢丑
城濮報在邲小勝不可狃主稱樂未央賓爲千年壽問子
宦幾載歸去種五柳倦遊我亦還番番兩黃耆入山各採

芝行園聊剪韭子歌我和之叩瓶復鼓缶莫言下榻歡何
若耕田耦

至燕山醉後漫咏

復作燕山客深慙富渚人優俳垂老業辛苦困窮身柳到
初冬槁梅知故國春關門軍吏笑緣底去來頻

其二

醉酒偏無寐挑燈發興豪青雲時不利白雪調元高氣霧
迷銅角風塵撲布袍休言渭川起鬢髮已蕭騷

其三

馬卿徒賣賦馮客豈無家武水流清澗長安有狹邪屢空

顏子室虛左信陵車溷俗仍飄泊悲風捲白沙

敬哉先生七旬初度賦祝

薄海尊者舊幽居引大年家風華族古相業上卿傳生岳
茲辰度歸田十載先爲耽林壑興早已篆車懸

其二

人宗原蓋代鉅手起登瀛壁水譚經坐金華列炬行乞身
辭夢卜經國止寅清黃髮彌彊健蒼生望不輕

其三

繼美絲綸掌春卿並命時晨朝朱芾似退食綵衣隨元老
投閒早司空爰立遲傅巖兼渭水同起帝王師

其四

堂闢青箱靜家依 紫極傍兒孫書萬卷賓客酒千觴宗
社勲勞嗣名山著述藏百年歌懿戒身老道逾光

其五

少賤親先逢蹉跎一老儒半生羈旅客長日望門趨欵欵
恩良厚謙謙禮獨殊將因陪杖履頭白戀燕都

其六

豈有清風頌欣看綠野春和羹宐玉饈却杖待蒲輪燕桂
聯枝發階蘭奕葉新養生資道德冰雪藐姑神

贈王子靜

敬哉先生第六子
初補博士弟子員

名家世美漢金張季子升華始上庠便學吹壎占鼎鉉相
看聯璧盡琳瑯競拖朱芾差肩麗纔製青衿稱體長異日
蓬池攜賜筆趨庭還賦魯靈光

冬日喜逢宋荔裳先生招飲寓園漫賦

外臺爲憲猶需次待詔從容亦奉恩宦跡稽遲依魏闕客
裝棲止卽名園五陵亭館開青墅四座簪纓命綠罇盡有
知名天末聚相邀把卷燭邊論由來文是三長擅刪後詩
看四始存連屋縹緗書自著踵門碑版筆須援豹章璀璨
山雲澤鼇力奔騰海水翻末學吹竽同是濫小儒持律自
言尊悲涼共畏聞清角局促誰能伏短轅長以驢鳴羞北

魏還將獺祭賤西崑成家早已傳中論閉戶無勞擬法言
城郭變遷思往日湖山嘯傲憶賢昆持平佐郡方司李請
益諸生亦在門久識吹篴真蓋代不堪聞笛一銷魂二難
競爽儀型在千佛題名姓氏掄視草仙郎來粉署褰帷星
使駕朱轡經營剔歷巡諸道政事叅知陟大藩豸服初加
嚴執法鳳山坐理頌無寃至今餘蔭猶思樹何意深文枉
批根稍鑿孤忠還曳珮尚勞敷政且乘軒人歌山甫風猶
穆 帝念臯陶旨獨溫卿月旋升瞻棘座賢雲偶聚近
薇垣朝朝灑掃林宗舍處處登臨安石墩管者貧家餘破
壁十年匿影卧空村孤吟若箇憐哀響九辯虛教濺淚痕

乞食飄然來洛下遠遊率爾去山樊相逢嵇阮傳杯數大
有應劉入座喧屈指人間招七子同心別路憶王孫鄴中
才子無曹植竹下名賢借巨源白雪徵歌慚唱和青雲一
附得飛騫腐儒不可儕枚叟狂客多應誚謝鯤驚怖無緣
窺海若巍峩在遠仰崑崙韓非列傳心誠媿郭泰人倫望
勿謾星紀頓逾銷歲月風塵相左信乾坤顧廚俊及元非
侶南北東西況獨奔豈謂悠悠將裋褐搗來欸欸侍盤飧
鬚眉細認璠璣貴唾欬真聞珠玉歎但把一卮先酒醉未
論前事已聲吞晨星落落人多散今雨濛濛日欲昏梁苑
二賢哀宿草宣城一子採芳蓀夜臺不寤空千載遷客雖

歸隔九閭驚座陳遵神慘澹直廬嚴助涕潏浹常事業
須公立縞紵交情爲我敦老嬾向來疎筆墨周旋焉敢執
橐鞬便歸身世從相棄將隱文詞已不煩得御李公吾願
足暫隨十日飲平原

沈繹堂太史招飲有賦時新有侍讀之命

蓬轉風塵又暮冬狹邪夾轂賦栢逢懷中錦字經三歲篋
裏雄文徹九重散直金蓮中使導開筵珠履上賓從漫
虛左席來偏後羞曳長裾老更慵

其二

詞臣坎壈惜當年投外何堪更左遷迹枉郵書非爾罪才
長珥筆更誰賢瀛洲預識環須賜宣室今看席屢前重與
酒筵聊獻頌相訓試拂錦江箋

送周雪客還金陵省視櫟園先生次徐方虎先生元

韻

不期逢薊北何遽指江東歸省殘年裏論交岐路中萍分
隨逝水梅發避嚴風畱滯燕山客輕鞭不可同

其二

元老兼三立名家尺五天業無千樹橘書敵一囊錢庭過
人恭謹墩遊騎接連登龍何日遂門外泊江船

除夕

燕中重至逢除夕生計浮生願屢違分餉真金揮易盡提
攜空橐漫無歸疏窓理髮疎莖短蠟炬張筵臘肉肥茲日
日前今夜憶不須明發已知非



